



5. marts 2026

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. Aalajangersakkat suut pinerluttulerinermi inatsimmi atuuttumi aammalu malittarisassanilu allat atorlugit Kalaallit Nunaanni nunagisamik killuussineq aammalu nunamut ajoqusiinnaasumik iliuutsit pinaveersaartinneqarsinnaappat?
 - a. Nunagisamik killuussineq aamma nunamut ajoqusiinnaasumik iliuutsit eqqartuussivinni atuuttuni nassuiarneqarsinnaappat?
2. Iliuutsit suut eqqartuussivinni atuuttuni pillaatissinneqarnermik kinguneqarsinnaappat naalagaaffiit allat soqutigisaanni suleqataanermi Kalaallit Nunaannut imaluunniit Kunneqarfimmut aajoqusiinnaasunik?
3. Oqartussaasut arlaata akisussaaffigaa nunagisamik killuussinermik aammalu nunamut ajoqusiinnaasumik iliuuseqarneq maani nunatsinni misissussallugu inatsisitigullu malersussallugu?
4. Naalakkersuisut ataatsimoortumik nalilersuisimanerlutik, pineqartumut inatsisit atuuttut naammattumik piareeqqanersut aammalu ullutsinnut tulluuttuunersut?
5. Inatsimmi allannguutinik tigussaasunik sunik Naalakkersuisut ersarissaassallutik pinaveersaartitsissutissanillu nukittorsarnissaannik eqqarsaateqarpat?
6. Qanoq ilillutik Naalakkersuisut qulakkeerniarpaat, inatsisit allanngortinneqassagaluarpata killiligaananani oqaaseqarsinnaatitaanerup killiligaananilu peqatigiiffeqarsinnaatitaanerup ataqqineqarnissaat?
7. Naalakkersuisut oqaluuserisamut soqutiginaatilinnik allanik paasissutissiinnaanerlutik?

(Inatsisartunut ilaasortaq Per Berthelsen, Demokraatit)

Tunngavilersuut

Maanna illersornissakkut politikkikkut inissisimaneq, nunanillu tamalaanit nunatta isigineqarnerata malittaaniq oqallisigineqarpoq, politikkikkut naapertuilluartumik oqallinneq nunatsinnullu ajoqutaasinnaasumik suliaqarnerup killissai eqqartorneqarlutik.

Inuiaqatigiinnut demokratiskimik ingerlasumut pingaaruteqarpoq, ersarissumik paasissallugu,



pineqartumut inatsisit suut atuunnersut, aammalu isummat imarisai nunagisamik killuussineq aamma nunamut ajoqutaasinnaasumik iliuutsit qanoq nassuiarneqarnersut killeqarnersullu ersarissassallugit. Tassungalu ilutigalugu pingaaruteqarpoq, tunngaviusumik kiffaanngissusermut pisinnaatitaaffiit ataqqineqarlutillu illersorneqarnissaat.

Inatsisip ersarissup ullutsinnullu tulluuttup inatsisitigut illersornissamut, ilisimariikkanut piviusorsiortumillu tamanut ammasumik isummernissamut tapertaaqataasinnaavoq. Taamaattumillu apeqquteqarnermut siunertaavoq ersarissassallugu Naalakkersuisut maannakkut malittarisassanut atuuttunut aammalu maannakkut inissisimaneq aallaavigalugu aaqqiissuteqartoqassanersoq nalilersissallugu.

Apeqquteqaatima ullut suliffiusut qulit iluanni akineqarnissaat qilanaaraara.